

richten vnd schlagen / als wie er seinen ort wol verthätigen könne / vnd wie er siehet daß der Feind sich herbey nahet / damit er zerbreche alle intelligentes vnd heimlichen verstand / durch welcher mittel er leichtlich vnd in geheim könnte sich bemächtigen vnd eynnehmen den platz / vnd deswegen sol er von newem stärken die Wachten / vnd bestellen daß die Capitein vnd andere Kriegsleut die ganze nacht die Ronde gehen / vñ die Wacht besichtigen : Er selbst sol besichtigen die Corps de garde oder Wachstat / vnd die Schildwacht / oder Sentinelles : Des tages aber sol er außserhalb der Statt setzen vnd stellen wachen zu Pferd / welche sollen auff die ankunfft des Feindes achtung geben / damit er von einer stund zur andern bekomme nachrichtung : Vnd wann der Feind kompt an die approachen , als dann sol der Hauptman anfangen jme mähle zu machen / so viel er immer kan / durch die außgänge / vnd ihn nicht lassen / als fuß für fuß Land gewinnen / daß außwendige muß er so viel als es immer möglich ist verwahren. Wann die Sallien vnd das außwendige lange zeit verwahret werden / so gebieret solches grossen nutzen : Dann wann er ihn also hart vnd sehr quelet vnd drenget / so ist ihm sein vorhaben vnd anschlag desto schwerer / vnd kaufft denselbigen thewer.

Wann er diese sorties oder außgänge machen läßt / so sol er wol sich bedencen / vnd fleißig in acht nehmen : daß die retraite oder Zurückzugplatz nicht schwer sey : Dann der geringste verlust den er leidet / ist viel zu groß wegen der noht so dannenhero entstehen würde.

Es ist viel besser einen menschen vnder den seinen verwahren / als hundert vnder den Feinden todtschlagen.

In einem ersten treffen / welches seine Soldaten mit dem Feind thun / müssen sie zeigen vnd weisen / so viel hertz vnd muht daß der Feind eine gute meinung von dem Hauptman fasse / vnd nicht wol vrtheilen könne / ob ihm die erfahrung / oder aber seine natur so zum Kriegswesen geneigt vnd abgerichtet ist / am meisten helffe / vnd mit seinen engenen augen lerne / daß vmb keiner gefahr willen seine Soldaten vnd Capitein einen fuß fort oder zurück setzen / als wie es gehersten vnd tapfferen Soldaten gebühret vnd wol anstehet / vnd hieran ist nicht wenig gelegen. Vnd zwischen der ganzen zeit vnd belagerung / wo fern nur ein einziges mittel sich anbeut dem Feind zu schaden / vnd vorthail vber ihn zu bekommen / so sol der Hauptman / wann ihm solches das Kriegswesen vnd kunst rähret / an die hand nehmen / vnd ins werck richten / doch mit vorbedacht / satter vnd reiffer berathsschlagung / vnd sol glücklich ins werck solche richten lassen / außserhalb der zeit vnd vngewöhnlichen stunden / vnd zwar eben zu der zeit am aller meisten vnd ersten / wann die anfallenden sich dessen am wenigsten versehen.

Wann man bey einem außfall den Capitein wird wol vnderwiesen haben / so den außfall sol regieren / sol man ihn lassen herauß gehen mit der Troupe zu der stunde so man bestimmen vnd anordnen wird. Vnderdessen aber vnd in wehrende m außfall soll er Kriegsleut in ihre Wehr vnd Waffen stellen an die örter der Wacht / dannie nicht / wann man an einem ort vnd seiten zu thun hat / auff der andern seiten ein vberfall werde : Er aber sol sich halten an dem thor mit einer anzahl Fußvolck vnd Reuter / die gelegene zeit zu nehmen / wann sie gegeben wird / seines vorthails / oder aber damit er desto geschwinder könne helfen vnd auffnehmen die jenigen so darauffen seynd / wann er zu schwach were / vnd sie desto besser so viel bedeckt / daß es nöhtig sey aduanciren vnd fördern.

Der Feldherr des Feinds Lagers vnd Kriegsheers in einer langwirigen Belagerung / kan durch vnd mit seinen practicken vnd heimlichen verstand vneinigheit sehen vnd anrichten zwischen den Kriegsleuten vnd Bürgern : oder aber so viel zu wegen bringen / daß sie einen argwohn auff die fürnehmsten werffen : vnd solches kan leichtlich verändern

ändern